

ՋՐԻ ՀԱՇԻՎՆԵՐԸ ՀԱՅԱՍՏԱՆՈՒՄ

Ջրի հաշիվները նախատեսված են օգտագործողին տրամադրել հաշվետու տարում ջրային ռեսուրսների հասանելիության, արդյունավետ կառավարման, սպառման և վերականգնվող ծավալների վերաբերյալ արդիական, ամբողջական, համադրելի և մատչելի տեղեկություն: Ջրի հաշվառումը ներառում է մի շարք տարբեր հաշիվներ, որոնք պարունակում են տեղեկություն ջրի ֆիզիկական և դրամական հոսքերի և ջրային ռեսուրսների առկայության մասին՝ արտացոլելու ջրի անբաժանելի դերը մարդու կյանքում, տնտեսական գործունեության և շրջակա միջավայրի ամբողջականության մեջ: Հաշիվներն արտահայտվում են տնտեսական ցուցանիշներով. օրինակ՝ բնական ռեսուրսների արդյունավետ օգտագործումը և դրանից ստացված ավելացված արժեքը, որոնց հիմնական օգտագործողները լինելու են ոլորտի ռազմավարություն մշակողները և որոշումներ կայացնողները:

Այն աջակցում է տնտեսության մեջ ջրի դերի և շրջակա միջավայրի ու ջրի հետ կապված տնտեսական գործունեության միջև փոխհարաբերությունների վերլուծություններին:

Ջրի հաշիվները Հայաստանում

2015թ-ից սկսած Արմստատը հանձն է առել Հայաստանի ազգային հաշիվների համակարգում բնապահպանական սատելիտային հաշիվներից «Ջրի հաշիվների» բաղադրիչի ներդրման աշխատանքները: Ջրի հաշիվների կազմման աշխատանքներում Արմստատը սերտորեն համագործակցում է Շրջակա միջավայրի, էկոնոմիկայի, Տարածքային կառավարման և ենթակառուցվածքների նախարարությունների, Ջրային կոմիտեի, «Հիդրոոդերևութաբանության և մոնիթորինգի կենտրոն» ՊՈԱԿ-ի և այլ գերատեսչությունների հետ:

Ի՞նչ են ջրի հաշիվները

Ջրի հաշվառումը հաշվապահական մոտեցում է, որը հնարավորինս ամբողջությամբ գրանցում է ջրի պաշարներն ու հոսքերը տնտեսության ներսում և շրջակա միջավայրի միջև:

Տնտեսական և հիդրոլոգիական տեղեկության ինտեգրումը հնարավորություն է տալիս հետևողականորեն ներկայացնել ջրի դերն ու նշանակությունը տնտեսության համար և տնտեսության ազդեցությունը ջրային ռեսուրսների վրա: Ջրերի վերաբերյալ բնապահպանական-տնտեսական հաշիվների համակարգը հնարավորություն կտա կազմել միջազգայնորեն ընդունված առաջարկությունների և միջոցառումների ցանկ, որոնցով կուղղորդվի տնտեսական գործունեությունը:

Ջրի հաշիվների մասին ողջ տվյալները՝
www.armstatbank.am

Ջրի հաշիվները վերհանում են Հայաստանում ջրի տվյալների բացերը և ջրային ռեսուրսների կառավարման թերացումները, որոնք մասամբ վերաբերում են նաև ջրօգտագործման վերաբերյալ տվյալների հասանելիությանն ըստ տնտեսական գործունեության տեսակների, տնտեսության ներսում ջրի շարժին, կեղտաջրերի մաքրմանն ու արտանետումներին, շրջակա միջավայր վերադարձող ջրի ծավալներին և որակին:

Սույն ինֆոգրաֆիկը պատրաստվել է Եվրոպական Միության ֆինանսական աջակցությամբ: Դրա բովանդակության պատասխանատուն բացառապես Արմստատն է և այն կարող է չարտացոլել Եվրոպական Միության տեսակետը:

Հրաշալի օրեր



Նշաններ և բառարան

➡ **Ջրային հոսք - ջրառ.** մակերևութային ջրերից (գետեր, լճեր) կամ ստորգետնյա հորիզոններից ջրառ:

➡ **Ջրային հոսք - ջրամատակարարում (տնտեսության ներսում և ջրամատակարարում տնային տնտեսություններին).** ջրամատակարարումը ջրի տրամադրումն է վերջնական օգտագործողներին, ներառյալ՝ ջրառը սեփական օգտագործման համար: Օրինակ՝ արտադրական գործարանը կարող է պահանջել օրական 40,000 լիտր քաղցրահամ ջուր իր սարքավորումները սառեցնելու, գործարկելու և մաքրելու համար: Եթե նույնիսկ կայանն այդ ջրի 95 տոկոսը վերադարձնի ջրավազան, միևնույն է գործարանին անհրաժեշտ է ողջ 40,000 լիտրն՝ աշխատելու համար:

➡ **Ջրային հոսք - վերադարձ շրջակա միջավայր** (մաքրված կամ չմաքրված կեղտաջրերի ուղղակի արտահոսք, ջրակորուստներ ոռոգման ջրանցքներից և ջրամատակարարման ցանցերից, և այլն)



Վերականգնվող ջրային ռեսուրսներ. վերականգնվող ջրային ռեսուրսները վերադառնում են հիդրոլոգիական շրջապատույտի միջոցով, բացառությամբ այն դեպքերի, երբ դրանք գերշահագործվում են: Դրանք ներառում են ստորերկրյա ջրատար հորիզոնները և մակերևութային ջրերը, ինչպիսիք են գետերն ու լճերը: Վերականգնվող քաղցրահամ ջրային ռեսուրսները համալրվում են տեղումներով (հանած գոլորշիացումը), որոնք թափվում են գետեր և համալրում ջրատար հորիզոնը (ներքին հոսք), ինչպես նաև մակերևութային և ստորերկրյա ջրերով, որոնք հոսում են հարևան երկրներից (արտաքին ներհոսք՝ վերին հոսանքներից), հանած մակերևութային և ստորերկրյա ջրերի արտահոսքը դեպի հարևան երկրներ և դեպի ծով: Չվերականգնվող ջրային ռեսուրսները կամ ընդհանրապես չեն համալրվում բնության կողմից, կամ սա տևում է շատ երկար: Վերջինիս դեպքում ջուրը ներառվում է, այսպես կոչված, խորքային գրունտային ջրերի մեջ:

(Աղբյուր՝ Եվրոպական շրջակա միջավայրի գործակալություն և ENI SEIS II EAST ծրագիր)



Ջրառ. մակերևութից (գետեր, լճեր) կամ ստորերկրյա (ջրատար հորիզոններ և այլն) ջրի վերցման գործընթաց՝ ժամանակավոր կամ մշտապես: Կախված տվյալ երկրի բնապահպանական օրենսդրությունից, ջրառի համար կարող է իրականացվել հսկողություն՝ սահմանափակելու վերցվող ջրի քանակությունը: Չափից դուրս ջրառը կարող է հանգեցնել գետերի չորացման կամ ստորերկրյա ջրատար հորիզոնների անթույլատրելի սպառման:

(Աղբյուր՝ Եվրոպական շրջակա միջավայրի գործակալություն)



Ջրօգտագործում. ջրօգտագործումը դա այն ջուրն է, որը տվյալ տարածքում որոշակի նպատակով, օրինակ՝ կենցաղային օգտագործման, ոռոգման կամ արդյունաբերական վերամշակման համար, փաստացի օգտագործվում է վերջնական սպառողների կողմից (օրինակ՝ տնային տնտեսություններ, ծառայություններ, գյուղատնտեսություն, արդյունաբերություն):

(Աղբյուրը՝ Եվրոստատ, վիճակագրական բացատրություն)

Ջրի կաթիլների թվերը ներկայացնում են ջրօգտագործման քանակն ըստ ոլորտների:



Ջրի սպառում. սա ջրօգտագործման այն մասն է, որը ջրառից հետո չի վերադարձվում շրջակա միջավայր: Սպառումը տեղի է ունենում, երբ ջուրը գոլորշիացման միջոցով տեղափոխվում է մթնոլորտ կամ մտնում է արտադրանքի կամ արտադրական պրոցեսի մեջ և այլևս հասանելի չէ կրկնակի օգտագործման համար:

(Աղբյուր՝ Համաշխարհային ռեսուրսների ինստիտուտ)



Շրջակա միջավայր վերադարձվող ջուր. ջուրն օգտագործելուց հետո կարող է վերադարձվել շրջակա միջավայր կամ ոռոգման ջրանցքներից, կամ ջրաբաշխման համակարգերից և կամ ուղղակի արտահոսքերի արդյունքում: Այս ջրի մի մասը կարող է լինել տարբեր որակի՝ կախված դրա աղտոտվածության աստիճանից (գյուղատնտեսական, կենցաղային կամ արդյունաբերական) և մաքրման ձևից, որին ջուրը ենթարկվել է մինչև շրջակա միջավայր վերադարձվելը: Շրջակա միջավայր չվերադարձվող ջրի մասնաբաժինը դա սպառված ջուրն է:

.....

Սույն ինֆոգրաֆիկը պատրաստվել է Եվրոպական Միության ֆինանսական աջակցությամբ: Դրա բովանդակության պատասխանատուն բացառապես Արմստատն է և այն կարող է չարտացոլել Եվրոպական Միության տեսակետը: